

آنادولو مجموعه کی

محمد رابع زماننده آنادولو	احمد رفیق
ملی تارخیزک اسمی	مکرمین جلیل
ازینق	علمی ضیا
(لادیک) لی محمد افندی	رؤف یکتا
مناظرالعوالم	حامد سعری
پوت	نجیم الدین جلیل
شعرلرینه نظر آکوهری	محمد خالد
صاجلاک	حبیب فاضل
آنادولو عرفی ودستانلری	علمی ضیا
دیار بکره	اسماعیل نامی
آنادولوده مرزعی ساحلر	محمد شرف

ناشری : آنادولی قومانییت نشریات شرکتی

ایران کاغذ و کتابت و نشریات

انادولو مجموعه سی

آبیه بر نشر اولنور

سنه : ۱

۱ نیسان ۱۳۴۰

صافی : ۱

مواجهه :

ملی تاریخچه اسمی

دولت مؤسسه سنی هر شینک فوقنده کوره رک اوئی دین ایله توأم عد ایدن اسکي تاریخویسلر ، عمومیتله ، یازدقلری تاریخلری بحث ایتدکلی مملکتلرک ویا ملتلرک اسمنه اضافه ایتمه مشلردر . اولنر (دولت) ی مقام اقتدارده بولان خاندانک اسمنه اضافه ایدرلر ، مملکتی او عائله نك اسمیه توسیم ایدرلر ، دولتی تشکیل ایدن ویا دولته تابع اولان انسانلری ده او سلاله نك آدیله یاد ایدرلردی . مقام اقتدارده بولان خاندانک سقوطنی الک بویک برحاشه عد ایدرلر ، دولتك منقرض اولدینی ظن ایدرلردی . مقام اقتداره کلن سلاله نك اسمیه یکی بر دولتك قورولدینی یازارلر و تاریخلرینه یکی برفصل آچارلردی . سلاله نك و حکومتک دیکشمه سنی انقراض و تأسس دولت ماهیتده کورورلردی . آرتق بوندن صوکر ا دولتك اسمی ، مملکتک اسمی ، ملتک اسمی ، اردونک اسمی تمامیه دیکشیر ، یکی خاندانک آدیله یاد ایدیلردی . مثلاً تورکلردن برشعبه اولان تورکمنلرک ایرانه و غربی آسیایه هجرتلرینی متعاقب تأسس ایتدکلی دولتی ، خاندانک اسمیه (دولت سلجوقیه) نامیه یاد ایتشلر ، سلجوقی عائله سنک حکمران اولدینی ممالکه (بمالک سلجوقیه) ، تورکمنلرده (سلجوقی تورکلری) عنوانی ویرمشلردی . آل سلجوق برعصردن زیاده آسیاده فرمانفرما اولدقن صوکر ا انقسامه اوغراددی . والیلر اعلان عصیان ایتدیلر . بودفعه دولتك و ملتک اسمی هر والینک منسوب بولدینی خاندانک اسمنه کوره دیکشمکه باشلادی . ایران ده خوارزم شاه عائله سی حکمفرما اولدییچون اوراده کی دولتك

اسمی (دولت خوارزمیه) به ، مملکتک اسمی ده مملکت خوارزمیه تحول ایتدی ، سوریه و آذربایجانده (دولت اتابکیه) عنوانی یاشامنه باشلادی . آنادولوده ایسه یته آل سلجوق موقع اقتدارده اولدینی ایچون (دولت سلجوقیه) عنوانی باقی قالدی . خاندانلر دیکشدیجه ستمادیا دولتک ، ملتک ، مملکتک اسمی دکیشوردی . اونک ایچون هر مورخ منسوب اولدینی مملکتک و دولتک تاریخنه مبدأ اوله رق زماننده موقع اقتدارده بولنان خاندانک بدایت سلطنتی اساس اتحاد ایدر ، اسکی خاندانی کندندن عد ایلز ، اسکی حکومتی آیری بر دولت تلقی ایلردی .

بزم مورخلرمزده عین تلقی وعین ذهنیت ایله حرکت ایدرک ملی تاریخمیزی برکل حالنده تدوین ایتمه مشلر ، دولته مشترک اسم ویرمه مشلردر . یالکیز اسکیدن آنادولو معناسنه کلن (روم) عنوانی آردهده صیراده قوللانهرق پادشاهلره (سلاطین روم) ، مملکتک (اقلیم روم) ویا سادهجه (روم) ، اردومزه (لشکر روم) دیمشلسده دولتک اسمنی یته خاندانلره نسبت ایدرک دولت سلجوقیه ، دولت قرامانیه ، دولت عثمانیه تعبیملرینی قوللانمشلردر .

(روم) عنوانی باقی اوله رق آردهده صیراده بوصورتله قوللانیلمش ایسهده خاندان اسملری اوندن قوتلی اوله رق یاشامش ، دولت اسمی کبی مملکت رملت اسمی ده اوکا اضافه ایدمش ، بالخاصه تاریخمیزک اسمی خاندانلره نسبت قیلمشدر .

هجری بشنجی عصر او اسطندن سکزنجی عصر اوائلنه قدر دوام ایدن ایکی یوز الی سنه لک دوره تاریخیه من ائساننده دولتمیزک اسمی خاندان سلطنت اسمیه (دولت سلجوقیه) ایدی . او تاریخدن صوکر ا مملکت پارچه لاش وایکی عصر قدر دوام ایدن فترت دورنده مملکتک مختلف یرلرنده تأسیس نفوذ ایدن عائله لرک عددنجه حکومتلر تشکل ایتش وهر یرده باشقه بر (دولت) اسمی یاد اولونمایه باشلامشدر . بو عائله لرک ایچنده عثمان اوغللری دیکرلرندن ده ا فضلک کسب اقتدار ایدرک یاواش یاواش هیسبی اورته دن قالدیردیلر . بودفعه دولتک اسمی (دولت عثمانیه) اولدی . دولتک اسمی کبی بتون مؤسساتک اسمی ده خاندانک اسمنه نظراً دیکشمکه باشلادی . اسکیدن سلجوقی ، قرامانی ، بایندرلی نامنی طاشیرکن شیمدی (عثمانلی) نامی دیکرلرینک یرینه قائم اولدی .

حالبوکه اورته ده دکیشن هیچ برشی یوقدی ، ملت یته اومت ، مملکت یته او مملکتدی . مورخلرده بوغریب ذهنیتله حرکت ایدنیورلردی ، ۵-۷ نجی عصر لر آردهنده کی

وقایعی نقل ایدن تاریخلره (تواریخ آل سلجوق) ، اوندن صوگرا کی دورلردن باحث اولان تاریخلره (تواریخ آل عثمان) اسمی وریورلردی .

عثمان اوغللرینک تاسیس نفوذندن صوگرا بوتون مؤسساتک اسمی دیکشیدی . مورخلر ، ملی تاریخمژک مبدائی خاندانک تشکلندن اعتبار ایتدیلر وائرلرینی او یولده تدوینه باشلادیلر .

عثمان اوغللرینک اوزون عصرلر دوام ایدن حاکمیتلی اثناسنده وطنمژک اسمی (ممالک عثمانیه) عنوانی آلمش و آنادولو تورکنک فتح ایتش اولدینی مملکتلر آنادولو ایله برلکده بو نام آلتنده یاد ارونمهیه باشلامشدی .

تنظیماتدن صوگراکی زمان ظرفنده (ممالک عثمانیه) اسمی هر طرفده تعمیم ایدلمش ، آجیلان مکتبلرده ملی تاریخمژ (عثمان غازی) دن بدأ ایدیلرک اوقوتدیرلش ، عثمانلی خاندانندن اولکی زمانلرک اونوتدیرلمسی ایچون چوق چالیشامشدر . آراده صیراده عثمانلی خاندانندن اولکی زمانلردن بحث ایدن مورخلر او زمانلری بنسمیهرک ، ملی تاریخمژ دیکش کبی ، بحث ایتشلر ، فائرلرینه عثمانلیق فکرینی تلقینه چالیشمشلردر . ملی وطن مفهومی اونلرک ذهنبده تشکل ایتهمش اولدینی ایچون عثمان غازی زماننده وطن حدودینک بیهجک حوالیسنه منحصر اولدینی ظن ایتشلر و آنادولونک - دیگر بکلرک تحت ادارهسنده بولان - اقسام سائرهمسی ممالک اجنبیه عد ایدلجک قدار ضلالت کوسترمشلردر . عینی زمانده بو مورخلر مثلاً عثمان اوغلی ایله قرمان اوغلنک آرهسنده کی وقیعدن بحث ایدرکن عثمان اوغلنی « بزم پادشاه » تعبیرله بنسمه رلر ، قرمان اوغلنی اجنبی عد ایدرلر .

بو ضلالت بو کونه قدر دوام ایتش و حالا تاریخمژی « سلجوقی تاریخی » ، « عثمانلی تاریخی » اسملری آلتنده بربرندن کلیاً آیری ایکی ملتک تاریخی فرض ایدنلر بولونمشلردر . ملیت جریاننک بزده انکشافندن صوگرا تاریخمژه تورک تاریخی اسمی ویریلهیه باشلاندی . تورکلر بايقال کولندن اوروپا ایچریلرینه قدر امتداد ایدن واسع ساحیه داغلمش مختاب ملتک هیئت مجتمعهسی اولان بیوک بر قوم اولدینی ایچون تاریخمژی (تورک تاریخی) دییه تسمیه ایتک مقصدی افاده ایده میوردی . (تورک تاریخی) دییانجه هر شیدن اول بزم تاریخمژ دکل ، بلکه تورکستان تاریخی خاطره کلپوردی . اسکی ذهنبی توارث ایدن وونی یکی جریانه اویدیرمق ایستیان بعضی کیسه لر ، ملی تاریخمژک اسمی (عثمانلی تورکلری تاریخی) دییه تسمیهیه باشلادیلر . عثمانلی تورکلری دییه تاریخده برایل

واولوس یوقدر . تورکلرک نه قدر ایل واولوسه انقسام ایتدیکی ده معلومزدردر . اکر عثمانلی تورکی دیمکه عثمان غازی نیک عشیرتی اولان درتیوز چادیر خلقی مراد ایدیلیورسه اوباشقه . لاکن عثمانلی خانداننک تحت اداره سنده بولنان بوتون تورکلره بو اسمی ویرمک بیوک برجسارت اولور . بونی فضله جه ایضاح ایده لم : بوکون قسطمونی ، مرعش ، دیار بکر خلقنه ، قونیه اهاالینسه عثمانلی تورکی دیرسه ک سلطان سلیم و فاتح زمانندن اولکی زمانلر ایچون نه اسم ویره جکر . بورالر او زمانلر اسفندیار زاده لرک ، ذوالقادر اوغللرینک ، آق قیونلیرک و قرامان اوغللرینک النده در ؛ او زمانده بونلره اسفندیارلی تورکی ، ذوالقادرلی تورکی ، آق قیونلی تورکی ، قرامانلی تورکی می دیه جکر ؟ مراد خداوندکار زماننده تاریخن بحث ایدرکن آنادولوده اوتوز نوع تورک می آیره جگر . دها اولکی زمانلرده آنادولودن بحث ایدرکن اهاالی یه بوسفرده (سلجوقی تورکی) می دیه جکر . شوالده ملتزمک اسمی خاندان اسملرینه کوره متمادیاً تبدل ایده جک ، تاریخمزک اسمی ده اوکا کوره هر کون دیکشه جک ، هر کون یکی بر اسم اویدیریلدجق .

دیمک اولیورکه (عثمانلی تورکی) ، (سلجوقی تورکی) ، (قرامانلی تورکی) ، معناسز تعبیرلردر . بونک هپسی بردر . بونلری بربرندن آیرمق دوغری دکلدردر . و تاریخمزک مختلف دورلرینه عائد اسملری بربرندن آیره رق سلجوقی تاریخی ، عثمانلی تاریخی کبی معناسز سوزلری استعمال ایتکده بوتون بوتون عبثدر . برکره سلجوقی تورکی دینجه نه مراد اولیور ؟ طبیعی آل سلجوقک تحت قیادتنده اوله رق بوتون آسیایه حاکم اولان و آنادولویه ، آذربایجانیه ، قافقاسیایه ، عراقه ، خراسانه ، ایرانک اقسام سائره سنه یاسیلان تورکنلر . برکره بوتورکنلره سلجوقی تورکی دیمک یا کلشدر ، زیرا (سلجوق) اسمی ایل ویا اولوس اسمی دکلدردر . (سلجوق خان) دن اول بونلره نه دیملی ؟ سلجوقیلرک بقوطندن صوکرانه آد ویرملی ؟

خلاصه تورک جماعت و جمعیتلری خاندان اسملرله تسمیه ایتک غیرعلمی و معناسز بر حرکتدر . بو بویله اولدینی کبی تاریخمزی ده (سلجوقی تاریخی) ، (عثمانلی تاریخی) (قرامانلی تاریخی) . . . واضح عنوانلره تسمیه ایتکده عینی صورته غیرعلمی در . (عثمانلی تورکلری) نامیله برملت موجود اولمادینی ایچون (عثمانلی تورکلری تاریخی) ده اوله ماز . احوالده ملی تاریخمزک اسمی نه در ؟

تورکلرک انقسام ایتدیکی متعدد ایللر واولوسلر مختلف زمانلرده دنیانک برچوق محالرینه هجرت ووطن ایدره رک دولت و مدنیت قورمشلردر . بوجهله دن اوله رق تورکنلرده

بالخاصه آنادولو ایله ایران و آذربایجان هجرت و توطن ایشلردر . ایران و آذربایجانده توطن ایدنلر ایرانده دولت تأسیس ایشلر ، بدایه بتون آسیا قطعه‌سی داخل اولدینی حالده سلجوقی عائله‌سنه تابع اولمشلر ، اولردن صوگرا صیراسیله اتابکلر و خوارزمشاهلر رأس‌کاره کچمشلردر . مغول استیلاسی نتیجه‌سنده برعصرقادر استقلاللرینی غائب ایشلر سده نهایت قراقیونلی ، آق قیونلی ، صفوی خاندانلری زمانلرنده مستقلاً اداره حکومت ایشلر و زمانزه قدر دولترینی یاشامیشلردر .

آنادولویه مهاجرت ایدنلرده اولنلر کی توطن ایدنلرک دولت قورمشلر ، مدنیت وجوده کتیرمشلردر . بودولتک سرکارنده ینه سلجوقی عائله‌سنک برشعه‌سی بولنقه‌ده ایدی . بوعائله‌نک سقوطنی متعاقب مختلف دره بکلکلر وجوده کلش ایسه‌ده عثمانلی عائله‌سی هپسینی اورته‌دن قالدیره‌رق یکیدن وحدت ملیه‌یی تأسیس ایشلر و مقام اقتداره کچمشدر . آیری آیری دولتلر وجوده کتیرمش آنادولو تورکی ایله آذربایجان تورکی دائماً یکدیگرلریله مجادله ایشلردر . بر طرفدن اختلافات مذهبه‌ده انضمام ایدنجه بو آیریلق بوسوتون حاد برشکل آیشلر و نهایت آیری ایکی ملت حاله کچمشدر . سلجوقی عائله‌سنک آنادولوده حکمران اولدینی زماندن اعتباراً آنادولونک حدودلری چیزیش و بو کون صوگ و قطعی شکلی آیشدر . بناء علیه بیک ییلق تاریخه و تشکل ایشلر بر وطنه مالک اولان ملتیزک دیگر تورکلردن آیری و مستقل بردولتی و بر تاریخی واردر .

(تورک تاریخی) دینجه بزم تاریخمه‌له برابر آذربایجانده ، عراقده ، سوریه‌ده ، ایرانده ، روسیه‌ده ، خراسانده ، هندده ، ماوراءالنهرده ، تورکستانده ، مغولستانده ، چینده دولت قوران ، حکومت تأسیس ایدن بتون تورک قومنه منسوب ایللرک و اولوسلرک تاریخی خاطره کلیر . بناء علیه (تورک تاریخی) اسمی بوتون دنیانک قطعات مختلفه‌سنده یاشایان و کلوب کچن بوتون تورک شعبه‌لرینه عائدوقایعدن باحث بونوک و عالمشمول بر موضوعی احتوا ایدر . بوندن دولایی بواسم تخصیصاً بزم ملی تاریخمیزک اسمی اوله‌ماز .

آنادولویه مهاجرت و توطن ایدن تورکلر اوزون مدت بویکی وطنلرنده طوتونمق ایچون صلیب‌لرله ویزانتینلرله اوغراشمیشلر ، نهایت صورت قطعه‌یه وایدیه‌ده قطعه‌ی مذکورده‌ده یرلشمیشلر ، آیری بردولت و مدنیت وجوده کتیرمشلردر . بالآخره سلجوقی خانداننک سقوطندن صوگرا آنادولوده اوزون مدت دره بکلرک مجادله‌سی باش کوسترمیش وایکی عصردن فضله دوام ایدن بو فترت دوری عثمانلی عائله‌سنک حصوله کتیردیکی اتحاد ملی سایه‌سنده ختام‌پذیر اولمشدر . اتحاد ملی‌نک تکونندن صوگرا آنادولو تورکنک جهانگیرکی

باشلامش وېك آز برمدت ایچنده اوچ معمور قطعه نك اكرثیسی استیلا ایلشدر .
 كوریلیوركه : عثمانلی خاندانك زمان حاكیتنه اقطار جهانی فتح ایدنلر ، روم ایلییه
 كچوب اسكان ایدنلر ، سورییه یی ، مصری و بربرستانی استیلا ایدنلر آنادولو توركیدر .
 اوحالده تاریخمزك اسمی ده شوصورتله سویلرلر : آنادولو تورككری تاریخی ویا ساده جه
 آنادولو تاریخی !

آنادولو تورككری تاریخی دنیلنجه ملتزمك آنادولویه مهاجرت واستیلا سندن اعتبارآ
 زمانزده قدار جریان ایدن وقایع خاطره كلیر و بونده كرك سلچوقی خاندانی كرك درم
 بككر ، و كركسه عثمانلی عائله سی زماننده وقوعه كلن بالعموم واقعات سیاسی و مدنیه
 داخل اولور . آنادولو تاریخی ، عثمانلی خاندانی زماننده کی توسع و فتوحاتك كافه سی
 احتوا ایدر . روم ایلیده ، مغربده ، مصرده ، یمنده ، خلاصه آنادولو توركنك حاكم
 بولندیغی بوتون مملكتلرده کی وقایعی كندی ایچنه آلیر .

مثلا بوكون فرانسه جزایر ، تونس ، ماداغسقار قطعه لرینی اشغال ایلشدر .
 بومملكتلرده جریان ایدن وقایع (فرانسه تاریخی) نه داخلدر . فرانسه تاریخی دنیلنجه
 بوموضوعه یلكلر آناوطنك دكل ، بوتون مستملكاتكده وقایعی داخل اولور . انكلیزلر
 اوزون زمانلر فرانسه نك مهم برقسمی تحت ضبطلرنده بولوندر مشلردی . فرانسه نك
 اواقسامنده جریان ایدن وقایع انكلیز تاریخنه ، بریتانیا تاریخنه داخلدر . بونك کی
 آنادولو تورككریك روم ایلیده فتوحات و توطنلری زماننه عائد اولان بالمله وقایعده
 آنادولو تاریخنك ساحه سیه كیرر .

اكر تاریخمزك اسمی بصورتله تسمیه ایددهك اولورسه ق اوكاك اساسلی ، اك جانلی
 اك علمی واك شامل برآد بولش ، معناسز اسملری قوللانماش اولورز . جهالت نتیجه سی
 اوله رق سویلنمكده اولان سلچوقی ، عثمانلی . . . ییلم نه تاریخلری کی عنوانلر اورتهدن
 قالدیرلش بولنه جنی کی ، صوك زمانلرده سویلنمكه باشلامش اولان (عثمانلی تورككری
 تاریخی) کی اسملرده كندی كندی نه اونودولش و ملی تاریخمزك حقیق اسمی ویرلش
 اولور .

كلهك مقاله مده ملی تاریخمزك ، یعنی آنادولو تورككری تاریخنك احتوا ایتدیکی
 موضوع و مباحثی ذكر ایتدكن صوكر اقسام ایلدیکی دوره لری ایضاح ایددهك .

مكرمین ضلیل